

آبونه شرائطی

ممالک عثمانیه ده سنه لکی (۶۵)، اقی
آیلغی (۳۵) غروشدور .
ممالک اجنبیه ده سنه لکی (۱۷)، اقی
آیلغی (۹) فرانقور .

اداره خانه

باب عالی جاده سنده دائرة مخصوصه

اخطارات

آبونه بدلی پشتور .

§

مملکه موافق آثار مع الممنونیه قبول
اولنور . درج ایدله یں یازیلر احاده
اولونماز .

الکشاف

۱۳۳۰

دینی ، فلسفی ، علمی ، ادبی ، سیاسی هنر تعلق مجموعه اسلامیه در .

والله یهدی من یشاء الی صراط مستقیم

صاحب و مدیر مسئول : ع . اشرف ارباب

اتبعون اهدکم سبیل الرشاد

عدد ۲۶۱

۹ شوال ۱۳۳۱

پنجشنبه

۲۹ اغستوس ۱۳۲۹

جلد ۱۱

اخطارات

رساله من آل مدیغی کو - تزلزل شرطیله
یتون یازیلر هر هانکی ر غرت طرفدن
انتباس و اونجه ییلیر .

§

مکتوبلرک ، امضالرک ر ضح و اوقوناقلی
ارلدی و آبونه صره نومروسی محتوی
بولونمسی لازندر .

§

ممالک اجنبیه ایچون آبونه اولانلرک
آدرس لرینک فرانسزجه ده یارلمسی رجا
اولنور .

§

پاره کوئدرلدیکی زمان نه یه راز اولدیغیک
واضعا ییلدی رلمسی رجا اولنور .

مدنی آوروپانك وجدان مرحمتہ ایصال ایلر و بولغارلرك اوغرا دینی
یرلری فصل کول بیغینلرینه ، قان دریالرینه چویردیکنی کورمک
ایسته یئرلی بلا تردد بدبخت وطنمزه دعوت ایدرز . »

تشیون

حکومت عثمانیه - بولغارستان :

استانبول قونفرانسی : برنجی اجتماع . — حکومت عثمانیه ايله
بولغارستان آره سنده کی مسائل مختلف فیهای حل و تسویه
ایله طرفین بیننده حال حربہ نہایت ویرمک و تأمین صلح و مسالمت
ایله مک اوزره دولت عثمانیه و بولغارستان حکومتلری طرفندن
استانبولده مذاکرات رسمیه اجراسنه مأمور ایدیلن مرخصلر ۱۳۲۹
سنه سی آغستوسنک یکریمی آلتنجی و ۱۹۱۳ سنه سی ایلولنک سکزنجی
بازار ایرتسی کونی بایتخت سلطنت سنیده خارجه نظارتنده تخصیص
اولنان دأترده طویلانش و حکومت عثمانیه خارجه ناظری سعید حام
پاشا حضرتلری طرفندن ایراد اولنان نطق افتتاحی متعاقب استانبول
صلح قونفرانسی رسماً کشاد ایدیلرک طرفین مرخصلری برنجی
اجتماعلرینی عقد ایله مشلردر .

مطبوعات مدیریت عمومیه سی ایلك اجتماع حقنده بروجه آتی تبلیغ
رسمی یی نشر ایله مشدر :

« ذات صدارتپناهی مرخصلری یکدیگرینه تقدیم ایتدکن صوکره
قیصه برنطق ایله مذاکراتک هرایکی مملکت حقنده خیرلی بر صورتده
بر آن اول نتیجه لهنه سی تمی ایله مشدر . بولغارستان برنجی مرخصی
جنرال صاووف دخی ذات حضرت پادشاهینک سعادت وعافیت هایونلری
تمنیا تنده بولونقدن صوکره ذات صدارتپناهی کی مذاکراتک بر آن اول
مملکتین ایچون عین صورتله فائده بخش بر نتیجه یه اقتران ایتسی آرزوسنی
اظهار ایتشدر .

رخصتنامه لر تدقیق و تعاطی اولونقدن صوکره مشاور ملکی و
عسکرلر یکدیگرینه تقدیم و مذاکراته ابتدار اولونمشدر . برنجی
مرخص طلعت بک طرفندن ریاست اولونان اشبو اجتماعده حدود و
تابعیت مسئله لرینک مذاکره سنه ابتدار اولونهرق بوبابده تعاطی افکار
اولونمشدر .

کله جک اجتماعک پنجنه کونی بعدالزوال ساعت اوچده عقدی
تقرر ایتشدر . مذاکرات اوچده ختام بولمشدر . »

تراکیا :

غربی ادرنه نك اعلامیه استقلال . — آوروپانك ، مملکتلرینی
اداره عثمانیه یه کچمه سنه ممالعت ایتمه سندن متأثر اولان غربی تراکیا
اهالیسی عائله لرینی ، ناموسلرینی ، طور اقلرینی بولغارلرك تکرار

اولان قدسیتی برقات دها آرتاردی و بو وسیله ایله کن کیدن ده تزايد ایدردی
و بین المسلمین وحدت فکریه ، معارفه ، محبت ، صناعیه تشبث چوغالوردی . بو
ایشده برزورق ده یوق . یالکز صادق ، ثباتکار رهبرلریستر . برطرفدن مرکز
خلافت دیگر طرفندن منبع اسلامیت اولان بلده لر ، عالم اسلامه ، نورل صاچاق
برحاله کترالی که امید نجاتمزد دخی آرتسون . »

وَتَائِفَاتُ الْإِيجِيَّةِ

غربی ادرنه نك اعلان استقلال بیاننامه سی

کوله جنه ، دده آغاچ ، اسکجه ، قوشیقواق ، اخی چلی ، اگری دره ،
داری دره ، قرجه علی قصبه لرینک مفتی و اشراف و علما و متحیرانندن ایکی یوز
اون اوچ امضا ایله حکومت سنیه یه ، مطبوعات ، اجنبی قونسولسرینه باتفراف
تبلیغ اولنان بیاننامه در :

« بزلر عموم تراکیانک مسلمان اهالیسی آره مزده آتیده کی اسباب
واحوال الیمیه بناء حقوق مدنیه و دینییه مزی دنیایه طائعه واک
صوک فردمز قیرلسه بیله بولغار بویوندیرینی آلتنه کیرمامکه قطعاً عهد
و پیمان ایلدک :

۱ — بولغارلر کچن استیلاده جامعلر مزی کلیسایه تحویل ایتمکدن ،
ارکک قادین عموم مسلمانلری جبراً بولغار و خرسیتان یاقمقدن ، قادین
وقیرلر مزک ناموسنی دنیاده امثالی کورولامش بر وحشت لعینه ایله
کیرلتمکدن ، اهالیمزی بشیکده کی چو جقلرینه وارنجه یه دک مدھش قتل
عاملرله افنادن ، مال و ملک مزی ینمادن و الحاصل کافه مقدسات مزی محو
و تخریبدن بشقه برشی کوسترمیدلر .

۲ — بولغارلرک ایکنجی استیلاسی دخی برنجی یه نظراً عینی مظا -
لک تکررندن بشقه برشی اولیه جقدر . بناء علیه غربی تراکیا
مسلمانلری بو ایکنجی خان استیلا یه قارشوده کاملاً خشیت و نومیدی
ایچنده تیرتمکده در .

۳ — کوله جنه ، قیرجه علی ، اسکجه و حوالیسی اهالی اسلامیه -
سی کاملاً و متحداً حیات و ناموسلرینی برکزه دها محو ایدجک بولغار
مظالمنه قارشو اعلان عصیانده ناچار قالمشدر . بوکا بناء تشکیل
ایتدی کمز ملیس قوتیله مبارزه یه و بولغار مفرزلرینی وطنمزک مقدس
حدودندن طیشاری یه طرد ایتمکه باشلادق و موفق اولدق .

۴ — معروض بولندیغمز فلاکتک عدم وقوعنه یکانه چاره اولق
اوزره موقت بر حکومت ملیه نك تحت اطاعتده اولق اوزره مجاهد -
تمزده ابدیاً دوامه قرار ویردک .

۵ — دوچار اولدیغمز فلاکت و مظالمک عیننه دوچار ایدیلن
روم و طنداشلر مزکده بوحس و قرار مزه کاملاً اشتراک ایتمکه اولدقلرینی
تأمین ایدرز .

۶ — بوسدای مظلومیت مزی هیچ برقوة ظالمه نك بزی کندیسندن
آیرمسنه امکان متصور اولیان حکومت عثمانیه نك و یوز بیکارجه بیچاره یی
بولغارستان سیاست جلادانه سنه بلا انصاف ترک ایتیه جکنه امین اولدیغمز

ایله اوتوز استر اغتنام ایتشلردر . اوکونک کیجه سی دخی مذکور قوته قبائلدن دیگر بر قوت ده ااضام ایتش و هرایکی قوت برلکده اولدینی حالده تکرار ایتالیا نلره هجوم ایله برسیار طوب ، اوچ یوز کولله ، و یوز تونک و اون برآت ویکرمی استر آلتشدر .

روسیه :

محمود اسعد افندی ارفاده . — مشار ایله حزیرائک اوتوز برنجی کونی صباحین (اوقا) یه واصل اولش و شهرک معتبران اسلامی طرفندن غایت پارلاق استقبال ایدلشدر . استقبال ایدن ذوات میاننده مجلس شرعی ارکانندن و مشهور ترک تاریخی صاحبی قاضی حسن عطا افندی ، مشاهیر اغنیادن نجیب حکیموف افندی ، حسن کریوف افندی ، صالح خیروف افندی بولمشدر . تره نندن ایندکدن صوکره محمود اسعد افندی حضرتلری غایت مطمئن برلاندویه ارکاب اولمش و (اوقا) نک اک بیوک اوتلی اولان (روسیه) نام اوتلده تخصیص اولنان دائره مخصوصیه مسافر ایدلشدر . بر مدت استراحتدن صوکره معتبران اسلام امین مشار الیهک نزدینه حیتمشدر و مصاحبه ده بولمشدر . مصاحبه ختام بولقدن صوکره حسنی عطا افندی محمود اسعد افندییه مهماندار تعین ایداش و مشار الیهک رفاقتیه شهرک اکابرینی و شایان تماشایرلرینی زیارته عزیمت ایشلردر . مفتی زیارت واقعه دن غایت ممنون قالمش و امین مشار الیه فوق العاده ابراز التفات ایشلدر . معلومدرکه (اوقا) مفتیسی عموم اون ملیون اسلامک مفتیسی بولندیغندن مقامی غایت مومدرو محمود اسعد افندی مفتیدن آیرلقدن صوکره برنجی محله جامع شریفی زیارت ایش و اورادن اخوندجهانگیر افندیکن خانهدنه مسافر اولش و بر مدت استراحتدن صوکره مشهور مدرسه عثمانیه یی زیارت ایشدر . امین مشار الیه حسن عطا قاضیک اقامتکهنی زیارتدن صوکره (اوقا) نک اک مشهور مکاتب عالیة اسلامی سندن بولنان مدرسه عالیة ایلد مدرسه حسینیه و مدرسه حکمییه یی نظر تماشادن کچر مشلردر . بو زیارتلرک ختامنده محمود اسعد افندی (اوقا) والی عمومیسینی زیارت ایشدر . والی عمومی فوق العاده ممنونیتله محمود اسعد افندی یی قبول ایش و امین مشار الیه بر ساعت قدر فرانسجه مصاحبه ایشدر .

والی عمومی ، محمود اسعد افندییه بر حرمت مخصوصه اوراق اوزره مشار الیهی کندی رفاقتنده (اوقا) موزه خانهدنه کوتوروب موزنک شایان تماشای اولان آثارینی و بالخاصه آثار ترکیه یی ایضاحات لازمه اعطا ایدرک کوسترمشدر . محمود اسعد افندی والیدن آیرلقدن صوکره نجیب حکیموفک اقامتکهنی زیارت ایش و اورادن حسندی کریموفاک صیفیه سته کتمشدر . بر مدت استراحتدن صوکره محمود اسعد افندی قزانه عزیمت ایتک اوزره اسکله اینوب (آمور) نام واپوره راکب اولمشدر . (اوقا) والی عمومی برابرنده برقوق پولیس و ژاندارمه اولدینی حالده اسکله اینوب محمود اسعد افندی یی غایت صمیمانه تشییع ایشدر . (اوقا) معتبران اسلامی دخی اسکله اینوب محمود اسعد افندی یی غایت پارلاق تشییع ایشلردر .

(اوقا) معتبران اسلام و علماسی محمود اسعد افندی ایله مصاحبتلرنده بر چوق مسائل حاضرده حقنده کوریشمشدر و امین مشار الیهک علم و عرفانندن مستفید اولمشلردر .

محمود اسعد افندیکن غایت متواضع و تکلف سز اولسی و مصاحبه سی خوش و معلوماتی واسع بولمسی (اوقا) اسلاملری اوزرینه غایت عمیق و کوزل تأثیر ایشدر .

دفتر خاقانی امینی (اوقا) اسلاملری ایله وداع ایدراکن کرک (اورن بورغ) کرک (اوقا) اسلاملری طرفندن حقنده ابراز اولنان حسن قبولدن زیاده سیله متشکر قالدینی و اسلاملرک افکار و اطوارندن غایت ممنون اولدینی بیان ایشدر .

«توسیع طباعت» مطبعه سنده
باصیلشدر

ع . اشرف ارباب

چیکنه ملرینه میدان ویرمه مک ایچون اعلان استقلال ایله کوماجنده بر حکومت موقته تأسیس ایشلردر . حکومت موقته رئیس دوت مرخصیه برلکده حکومت ، قونسولسک اک قدملیسی اولان فرانسز قونسولسنه مراجعت ایدرک مریمک غربنده بولنان بالعموم اهالینک بولغار بویوندروغنه کیرمه مک ایچون بوتون قوتلریله مملکتلری مدافعه یه مهیا اولدقلری و بولنارستانک ، خرابیه چویره جکاری مملکتلری آنجق بویولده کندی فدا ایدن اهالینک جسدلری اوزرندن کچرک ضبط ایده یله جکاری عرض ایتشلردر . بوهیت صدارته ، داخلیه و بالعموم سفارتلره مراجعت ولایتزل قرارلری تبلیغ ایلک اوزره استانبوله کشلردر .

بولنار وحشی :

ناموسی اسلام نه مالده کلری ! . — بولنارلرک فلبده وحشی و ملعون سجیه لرینی بوتون چیرکینلکی و چیبلا قاعیله اثبات ایدن بر تشبیلری استخبار اولمشدر : ملعونلر ، ضبط ایتدیکی اراضیدن برقوق کنچ قیزلری مملکتلرینه نقل ایتشلردی ، ایشته بولنارستان بوبد بخت قرده شلر بر عموم خانه آجایی و بو اک آچاق واسطه ایله تدارک ایده جکاری پاره یی عسکرلکده اولن بولنارلرک عائله لرینه ویرمکی تحت قراره آلمشلردر . بو او یله مشوم بر تشبیلک آلتنه نه برجه نه برکله نک علاوسنه تحملی واددر . ایشته دین و وطن یولنده فدای جان ایتمین مسلمانلر شمدی بوجهنی لوحلر قارشوسنده یاشامق ممکن ایسه یاشاسونلر .

طرابلس - بنغازی :

طبرقده مجاهدین ! مریه نلک مرفقیانی . — طرابلس غربده «ابی شمال» موقعه ده بولنان اسلام اردوگاهندن مصرده منتشر «الشعب» غزته سته کوندریان ۱۳ رمضان تاریخی مکتوبده دینی دورکه :

افرنجی آغستوسک اون بشنجی کونی ایتالیا نلر طبرق موقعی ایله حوالیسنی اشغال ایتک ایچون اوچ فرقه پیاده و بر فرقه سواری ایله استحکاملرندن حرکت ایتدیلر . موقع مذکوره مواصلت ایدنجه کندیلریله مجاهدین عربان آره سنده پک شدتلی بر مصادمه وقوع بوله رق نام دوت ساعت دوام ایتدی . نتیجه ده ایتالیا نلر تعیین مقداری غیر قابل مقتول و برخیلی اسلحه ، ذخیره و حیوانات بر اقدقن صوکره فنا حالده منهزم اولمشلر و غیر منتظم بر صورتده رجعت ایتشلردر . ساعت اوچده باشلایان و ساعت یدیده ختام بولان بومصادمه دن اوچ ساهت صوکره یعنی ساعت اون راده لرنده ایتالیا نلره امداد کلدیکندن بولنر تکرار طبرق اوزرینه یورومشلسده بودفعه دخی کندیلریله مجاهدین عربان آره سنده وقوع بولوب اولکندن ده شدتلی دوام ایدن محاربه ده یتنه ایتالیا نلر بر درلومقاومت ایده میهرک مغلوب اولدقلری حالده کلدکاری یره رجعت ایتشلردر . ایرتسی کونی مجاهدیندن اولدجه مهم بر قوت ایتالیا نلرک اسلحه کلر جوارنده اقامت ایتدکاری یره هجوم